

Parlament Federacije Bosne i Hercegovine
Dom naroda
Almedin Aliefendić, delegat

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
SARAJEVO

N/r g-đa Lidija Bradara, predsjedavajuća Doma naroda
Parlament Federacije Bosne i Hercegovine

Primljeno:	10-10-2017		
Org. jed.	Broj	Priloga	Vrijednost
02-	02-	1485/16	

PREDMET: Amandman na Prijedlog Zakona o računovodstvu i reviziji Federacije Bosne i Hercegovine

Na osnovu člana 178. Poslovnika o radu Domu naroda Parlamenta Federacije Bosne i Hercegovine podnosim amandman na Prijedlog Zakona o računovodstvu i reviziji Federacije Bosne i Hercegovine i to kako slijedi:

A M A N D M A N

Član 32.

(Kvalificirano lice za sačinjavanje finansijskih izvještaja)

U Članu 32. stav 2. mijenja se i glasi:

(2) Vodenje poslovnih knjiga i sastavljanje finansijskih izvještaja pravno lice može povjeriti ugovorom, uz određenu naknadu, drugom pravnom licu ili poduzetniku registrovanim za pružanje knjigovodstvenih i računovodstvenih usluga, koji imaju sve potrebne resurse za pravilno, kvalitetno i efikasno obavljanje tih usluga, te ima zaposlena kvalificirana lica koja su odgovorna za vodenje poslovnih knjiga i sačinjavanje finansijskih izvještaja, ili poduzetniku registrovanom za pružanje knjigovodstvenih i računovodstvenih usluga koji ima sve potrebne resurse za pravilno, kvalitetno i efikasno obavljanje tih usluga, a koji je kvalificirano lice ili ima zaposleno kvalificirano lice, a koji ispunjavaju i druge uslove utvrđene ovim zakonom i internim općim aktom.

U stavu (3) ipred riječi „zaposlena“ dodaju se riječi: „poduzetnici ili su“.

Stav (4) – briše se.

Dosadašnji stavovi 5., 6., 7., i 8. postaju stavovi 4., 5., 6., i 7.

O B R A Z L O Ž E N J E

Zakon o obrtu i srodnim djelatnostima Federacije Bosne i Hercegovine (Službene novine FBiH broj: 35/09 i 42/11) definiše kao samostalno i trajno obavljanje dopuštenih i

registrovanih privrednih djelatnosti u osnovnom, dopunskom ili dodatnom zanimanju. Pravilnikom o vezanim obrtima i srodnim djelatnostima (Službene novine FBiH broj: 61/09 i 12/12) su određene djelatnosti koje se mogu obavljati u svojstvu obrta. U Pravilniku je određena i djelatnost: - Računovodstvene i knjigovodstvene djelatnosti, porezno savjetovanje.

Zakon o obrtu i srodnim djelatnostima određuje da obrt kao **dopunsko zanimanje** fizičko lice može obavljati isključivo samostalnim radom, **bez angažmana drugih lica kao zaposlenika.**

Članom 2. stav 1. Ustava FBiH propisano je da će Federacija osigurati primjenu najvišeg nivoa međunarodno priznatih prava i sloboda utvrđenih u dokumentima navedenim u aneksima ovog Ustava.

Posebno: između ostalog i slobodu na rad.

U Prijedlogu Zakona o računovodstvu i reviziji član 32., stav 2 je napisano da bi oni koji su za pružanje ovih usluga registrirani u statusu poduzetnika, usluge vođenja poslovnih knjiga i sačinjavanja finansijskih izvještaja svojih klijenata (pravnih) lica, mogli pružiti **samoako zapošljavaju bar još jedno lice koje posjeduje važeću licencu certificiranog računovođe.**

Ovo bi značilo da poduzetnici u statusu dopunskog zanimanja ne bi ispunjavali uslove za vođenje poslovnih knjiga i sačinjavanje finansijskih izvještaja klijentima koji su pravna lica, samim tim što poduzetnik u tom statusu, po Zakonu o obrtu, ne može zaposliti još neko lice.

U Prijedlogu Zakona o računovodstvu i reviziji član 32., stav 4 je napisano:

Izuzetno, lica iz stava (3) ovog člana mogu biti i angažovana od strane pravnog lica, odnosno od strane poduzetnika registrovanih za pružanje knjigovodstvenih i računovodstvenih usluga uz uslov da je osnivač pravnog lica, odnosno poduzetnik kvalificirano lice iz stava (5) ovog člana, a koji ujedno ima i radni status kao poduzetnik, odnosno radni status u tom pravnom licu, ili ima zaposleno najmanje jedno kvalificirano lice iz stava (5).

Ovo bi značilo da bi potpisivanje i ovjeravanja finansijskih izvještaja bilo dozvoljeno i po Ugovoru o djelu što bi dovelo dodegradacije struke i legalizacije potpisa.

Zaključak:

Ukoliko se Prijedlog Zakona o računovodstvu i reviziji FBiH usvoji u predloženom obliku, bez prihvatanje amandmana, to bi značilo:

- Onemogućavanje Ustavnog prava na rad onim poduzetnicima – certificiranim – licenciranim računovođama – koji te usluge vrše kao legalno registrirano dopunsko zanimanje (koje je jedan od tri moguća i legalna oblika obavljanja samostalne djelatnosti prema Zakonu o obrtu i srodnim djelatnostima).
- Degradacija struke, samim time što bi potpisivanje i ovjera finansijskih izvještaja bilo dozvoljeno i po Ugovoru o djelu.

- **Prema važećim propisima FBiH ne postoji slično ograničenje za druge profesije za koje je potrebna licenca za rad (npr. advokati, notari, ljekari,...)**

Član 32. (Kvalificirano lice za sačinjavanje finansijskih izvještaja) poslije izmjene glasi:

(1) Za lice koje je odgovorno za vođenje poslovnih knjiga i sastavljanje finansijskih izvještaja, općim aktom pravnog lica propisuju se uslovi koje mora ispunjavati: školska sprema, radno iskustvo i ostalo, kao i njegova odgovornost za ažurnost, urednost i istinitost poslovnih knjiga.

(2) Vođenje poslovnih knjiga i sastavljanje finansijskih izvještaja pravno lice može povjeriti ugovorom, uz određenu naknadu, drugom pravnom licu ili poduzetniku registrovanim za pružanje knjigovodstvenih i računovodstvenih usluga, koji imaju sve potrebne resurse za pravilno, kvalitetno i efikasno obavljanje tih usluga, te ima zaposlena kvalificirana lica koja su odgovorna za vođenje poslovnih knjiga i sačinjavanje finansijskih izvještaja, ili poduzetniku registrovanom za pružanje knjigovodstvenih i računovodstvenih usluga koji ima sve potrebne resurse za pravilno, kvalitetno i efikasno obavljanje tih usluga, a koji je kvalificirano lice ili ima zaposleno kvalificirano lice, a koji ispunjavaju i druge uslove utvrdene ovim zakonom i internim općim aktom.

(3) Lica koja sačinjavaju finansijske izvještaje iz stava (2) ovog člana obavezno su kvalificirana lica koja su zaposlena u pravnom licu, odnosno koja su poduzetnici ili su zaposlena od strane poduzetnika registrovanih za pružanje knjigovodstvenih i računovodstvenih usluga.

(4) Pod pojmom kvalificiranih lica iz stava (3) ovog člana podrazumjevaju se lica koja posjeduju važeću licencu certificiranog računovode u skladu sa odredbama ovog Zakona pod uslovom da su prethodno registrovana u registrima iz člana 35. ovog Zakona.

(5) Ako pravno lice odluči poslovne knjige čuvati izvan svog sjedišta, ono je u svakom trenutku odgovorno za poslovne knjige, te mora tijelima nadležnim za nadzor na njihov zahtjev, bez odgađanja, omogućiti uvid u iste.

(6) Kvalificirano lice iz stava (5) ovog člana za jednu poslovnu godinu može sačiniti i potpisati do 20 finansijskih izvještaja pravnih lica čiji su ukupni prihodi utvrđeni u posljednjem finansijskom izvještaju u odnosu na datum zaključivanja Ugovora o pružanju knjigovodstvenih i računovodstvenih usluga, veći od 8.000.000,00 KM.

(7) Stav (2) ovog člana ne primjenjuju banke, mikrokreditne organizacije, društva za osiguranje i reosiguranje, lizing društva, društva za faktoring, društva za upravljanje investicijskim fondovima, društva za upravljanje dobrovoljnim penzijskim fondovima, berze, brokersko – dilerska društva i druge finansijske organizacije.

Almedin Alijefendić


Sarajevo, 10.10.2017.godine